

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO/TUŽITELJSTVO
ZENIČKO-DOBOJSKOG KANTONA
BROJ: A-III-155/19
Zenica, 12.03.2019. godine**

Na osnovu člana 6. i 30. Zakona o Kantonalnom tužilaštvu/tužiteljstvu Zeničko-dobojskog kantona („Službene novine Zeničko-dobojskog kantona“ broj 05/03 i 11/07) i člana 4. stav 2. Memoranduma o razumijevanju potpisanog između Nadzornog tijela za praćenje provođenja Državne strategije za rad na predmetima ratnih zločina i Kantonalnog tužilaštva Zeničko-dobojskog kantona o realizaciji budžetske podrške sektoru pravosuđa od 23.12.2013. godine i člana 1. Dodatka I navedenog Memoranduma, a shodno Operativnom Memorandumu o razumijevanju između Evropske unije i Nadzornog tijela o realizaciji budžetske podrške sektoru pravosuđa, Glavni tužitelj, objavljuje

**J A V N I O G L A S
za prijem uposlenika u radni odnos na određeno vrijeme**

I Naziv i pozicija radnog mjesta

- 1. Stručni savjetnik-saradnik-istražitelj za rad na predmetima ratnih zločina -**
1 /jedan/ izvršitelj na određeno vrijeme

II Opis poslova :

Stručni savjetnik-saradnik-istražitelj za rad na predmetima ratnih zločina obavlja sljedeće poslove i zadatke:

- Pomaže tužitelju u radu na predmetima ratnih zločina, te postupna na osnovu zahtjeva i uputa tužitelja kod kojeg je raspoređen;
- Obavlja poslove i radnje u istrazi po nalogu postupajućeg tužitelja;
- Obavlja pravne analize i druge poslove pod nadzorom i u skladu sa uputstvima tužitelja;
- Prisustvuje ročištima pred sudovima zajedno sa postupajućim tužiteljem;
- Pomaže tužitelju pri sastavljanju optužnica, negativnih odluka, sažetaka i drugih akata, te proučavanju pravnih pitanja u pojedinim predmetima;
- Aktivno učestvuje u istrazi u svojstvu ovlaštene službene osobe;
- Prilikom obavljanja poslova i zadataka, obavezan je da proučava i prati odgovarajuće zakone i druge propise, i vodi računa o primjeni istih;
- Vršiti samostalno ili pod nadzorom i uputstvima tužitelja i Glavnog tužitelja i druge stručne poslove predviđene zakonom;
- Prisustvuje sjednicama Kolegija i radnim sastancima odjela i odsjeka, vodi zapisnike i izrađuje izvode iz zapisnika;
- Kao korisnik pravosudnog informacionog sistema, obavezan je da postupi prema pravilima propisanim Politikom sigurnosti pravosudnog informacionog sistema BiH;
- Kao korisnik Sistema TCMS-a, obavezan je da postupi prema pravilima propisanim u Pravilniku TCMS;
- Obavlja i druge poslove po nalogu i uputama Glavnog tužitelja.

III Opći uslovi koje kandidat mora ispunjavati :

1. Da je državljanin Bosne i Hercegovine;
2. Da je stariji od 18 godina;
3. Da ima univerzitetsku diplomu;
4. Da ima opću zdravstvenu sposobnost.

IV Posebni uslovi za obavljanje poslova :

1. VSS, VII stepen stručne spreme - pravni fakultet, odnosno visoko obrazovanje prvog (najmanje 240 ECTS bodova), drugog ili trećeg ciklusa Bolonjskog sistema studiranja-pravne struke,
2. Položen pravosudni ispit,
3. 3 (tri) godine radnog staža u struci,
4. Poznavanje rada na računaru.

V Za dokazivanje općih i posebnih uslova kandidat treba priložiti u originalu ili ovjerenoj fotokopiji:

1. Uvjerenje o državljanstvu (ne starije od 17.06.2013. godine)
2. Fakultetska diploma (nostificirana diploma ukoliko fakultet nije završen u BiH ili je diploma stečena u nekoj državi nastaloj raspadom SFRJ nakon 06.04.1992.);
3. Potvrda ili uvjerenje o radnom stažu u struci nakon završene VSS;
4. Dokaz o položenom pravosudnom ispitu;
5. Dokaz o poznavanju rada na računaru;
6. Uvjerenje da se ne vodi krivični postupak (uvjerenje će dostaviti izabrani kandidati po završetku oglasne procedure);
7. Dokaz o općoj zdravstvenoj sposobnosti (ljekarsko uvjerenje će dostaviti izabrani kandidati po završetku oglasne procedure).

Radni odnos se zasniva na određeno vrijeme do raspoloživosti finansijskih sredstava predviđenih Projektom i zasnovat će se nakon provedenog postupka po osnovu Javnog oglasa i na osnovu konačne odluke o izboru kandidata, uz probni rad u trajanju od 3 mjeseca.

Sa svim kandidatima koji ispune uslove predviđene ovim oglasom Komisija za izbor će obaviti prethodnu provjeru radnih sposobnosti putem pismenog testiranja i intervjua o čemu će kandidati biti obavješteni poštom ili telefonskim putem na kontakt telefon koji su kandidati dužni navesti u prijavi.

Rok za dostavljanje prijave sa dokazima o ispunjavanju navedenih uslova je 10 dana od dana objavljivanja oglasa u dnevnim novinama. Nepotpune, neuredne i neblagovremene prijave neće se uzeti u razmatranje.

Napomena: Izabrani kandidati bit će obavezni dostaviti ljekarsko uvjerenje o zdravstvenoj sposobnosti i uvjerenje da se ne vodi krivični postupak prije stupanja u radni odnos.

Prijave sa dokazima o ispunjavanju uslova oglasa mogu se dostaviti lično na Protokol Tužilaštva ili preporučeno putem pošte na adresu :

KANTONALNO TUŽILAŠTVO/TUŽITELJSTVO ZENIČKO-DOBOJSKOG KANTONA
Trg BiH 72 000 Zenica

Sa naznakom „Javni oglas za prijem Stručnog savjetnika-saradnika-istražitelja za rad na predmetima ratnih zločina “

GLAVNI TUŽITELJ
Vesna Kaknjo